



Nuuk, 29. maj 2012

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

**Inuit Piginnaatitaaffiit Ilisimatusarfeqalernissaq (Lov om Institut for Menneskerettigheder - Danmarks Nationale Menneskerettighedsinstitution) (L 154) pillugu inatsisissatut siunnersuut Nunatsinni aamma atuutilersinnaanissaa pillugu danskit naalakkersuisui saaffiginialugit Naalakkersuisut pilersaaruteqarpat?**

(Inatsisartuni ilaasortaq Olga P. Berthelsen, Inuit Ataqatigiit)

### **Tungavilersuut:**

11. april 2012 danskit naalakkersuisuisa Inuit Piginnaatitaaffiit Ilisimatusarfeqalernissaq (Lov om Institut for Menneskerettigheder - Danmarks Nationale Menneskerettighedsinstitution, L 154) pillugu inatsisissatut siunnersuut saqqummiuppaat. Folketing-imi Nunanut Allanut Ataatsimiititaliap ulloq 16. maj 2012 isumaliutissiissut saqqummiuppaat, tassanilu ilaatigut ima allassimasoqarpoq:

”Inatsit Kalaallit Nunaannut Savalimmiunullu atuutinngilaq. Kalaallit Nunaat Savalimmiunullu nunaminni inatsit atuutsikusussagunikku siulersuisuni ilaasortaqartitsisinnanerat Ataatsimiititaliami pingaartinneqarpoq.”

Taamaammat Namminersorlutik Oqartussat tusarniaanermut atatillugu allagaannut ministerip akissutaa Ataatsimiititaliami pingaartinneqarpoq, tassanilu ima allassimasoqarpoq: ”Inatsit Kalaallit Nunaanni aamma/imaluunniit Savalimmiuni atuutsinneqalissappat, taamatullu Kalaallit Nunaanni Savalimmiunilu inuit piginnaatitaaffi pillugit siunnersuisoqatigiiliortoqassappat Institut for Menneskerettigheder - Danmarks Nationale Menneskerettighedsinstitution pillugu inatsimmut allannguutissamik aalajangiisoqarsinnaavoq, immikkullu Kalaallit Nunaanni Siunnersuisoqatigiit, taamatullu Savalimmiuni Siunnersuisoqatigiit siulersuisuni ilaasortaqartitsisinnanissaat periarfissinneqarsinnaaluni.”

Kalaallit Nunaanni Savalimmiuniluunniit Institut for Menneskerettigheder - Danmarks Nationale Menneskerettighedsinstitution pillugu inatsisissap atuutsilernissaa aalajangiunneqassappat inatsisissamut allannguutissamik ministeri piaartumik saqqummiusseqqullugu Ataatsimiititaliamit kajumissaarneqarpoq.”